

四庫全書

集部

欽定四庫全書

松泉集卷十二 起乙丑至丙寅

吏部尚書汪由敦撰

恭和

御製新春試筆元韻

紅縷堆盤薦蓼芽
蒼龍初御斗迴車

史記斗為帝車運于中央 莫開

鈿砌聯三秀
草茁鱗塍擁六花

天藻含韶霏寶露
宮旂獻節剪彤霞
分明繪出熙熙象

畫鼓聲中笑語譁

恭和

御製新月元韻

九道從知繞木繩新春新月恰相應

立春在正月初三日繡簾鉤

曲看初挂冰鏡蛾彎畫不勝梅影半痕分綵勝雪光一
縷上衣綾修成七寶逢嘉夜交映珠宮院院燈

題赫尚書仿高房山雨景

烟鬟千疊空濛裏片片濕雲低著水江南四月熟梅時

宿雨欲收收不起淋漓元氣尚書筆襄陽父子稱入室
只今赤縣苦炎歊安得甘霖遍三日

應

制題董學士山靜日長圖

幽人愛岩栖抗志遠塵埃連峯鬱繚曲坐卧納朝爽秋
深丹葉濃夏淺綠陰長閒雲自去來候禽時下上山厨
笋蕨香石鼎松風響漁人無問津溪友或過訪雞犬靜
村巷麝犢偃林莽坡翁與子西詩意畧相仿鼎鼎百年

中疇能謝羈勒斯境定何在斯人樂長往將無巢許倫
物外恣偃仰三復招隱篇空谷寄遐想

賜觀

御筆詩經全圖恭紀

稽古正學則左圖而右史史以紀善敗圖以肖臧否予
欲觀成象典訓徵帝紀咸平五經圖臚列器服爾毛詩
肖物形開成有芳軌哉

皇博羣籍葩經探奧旨齊魯韓三家風雅頌四始一篇

繪一圖情真態逼似美刺別薰猶可愕亦可喜雍容陳
廟廊瑣細及婦子仰象日月星俯察禽魚豸風人聚一
堂名物瞭如指游藝近適情而實通治理從容
萬幾暇玉索雲藍紙一圖系一篇爛矣

天章煒

天章蘊元氣揮灑何淋漓子曰詩三百蔽以無邪思心
正筆乃正六體隨所宜湘管列三品虞戈縱一麾八法
神運用萬象歸鑑錘

聖能本天縱神畫追皇義風則婉以入婀娜含丰姿雅
則溫而栗端莊出委蛇頌則肅且嚴正容無傾歌毫端
結構新溯古頡頏斯邕鵠義獻繇草聖皇象之鸞龍紛
蔚跂圭壁燦陸離超軼光充閣方駕神禹碑殷勤七載
功味道研文辭

文辭豈糟粕

皇心妙經營點翰涵造化敷政本穆清博綜全詩理鑒
古攄遙情王化起二南雅頌陳典型觀風知正變保泰

在持盈

聖朝綿景運百年仁化成

世德美作求既醉歌太平沐膏咏勤苦萬族慶盈寧夫
豈無風謠洋溢為頌聲廟堂述功德揄揚振鉤鏗

宮中奏元音鏘然叶韶韻憂勤底和樂風教覃八紘
旃厦日兢兢緝熙於光明

雲漢仰昭回萬古星日晶拜手歎觀止遂歌有餘榮

恭和

御製落花詩疊舊作落葉元韻

一片飛來豈自由風飄萬點幾曾留
遨頭未負探花使照眼多慚選勝流
纔爛熳時驚易暮正芳菲處却先秋
也知不過經年別難遣當前脈脈愁

樹頭何處覓殘紅釵砌繁華一瞬空
縱不顛狂隨弱絮能無飄轉逐枯蓬
苔痕未掃猶含露燕壘初銜尚舞風
賴有筌熙寫生手儘教收拾畫圖中

錦帳金鈴愛護心前塵追憶悵逾深
垂簷漫數累累實

夾道俄成樹樹陰無可奈何鶯漸老誰能遣此蝶難尋
祇輸窗外琅玕竹日日平安報好音

鏡裏屏間了不殊晴烘雨打總斯須遲開果勝先開未
來日知如昨日無幾縷篆消移晷漏半庭影散轉風烏
縱饒

天上春常在笑指蟠桃祇一株

淺笑輕顰得幾何占春多處占愁多蘇隄曉望迷芳草
南浦離情送綠波法雨三千空色界信風廿四賸寒柯

追懽苦怨江城遂秉燭從教轉絳河

感時原不為悲秋即境難消萬古愁
隔座低徊紫舞袖
緣溪歷亂引漁舟
茶烟禪榻遲來杜燕麥元都再到劉
誰悟

拈來微笑意墨池香海幻浮漚

題松雲圖

康熙壬午癸未間游學南蘭陵與龔封五刺史
表姪同研席時由敦纔十一二刺史少予兩歲

晨夕相依弟兄若也雍正庚戌刺史以茂才方正被薦歷官嶺南中州一再見京邸頃以薦擢陝州牧赴

闕引

見握手道故已各逾五十矣刺史精米奕奕方挾利器屢試於盤根錯節間而予則頽然衰老回憶青燈並案時忽忽三十餘載適刺史出寫照屬題漫成長句以當話舊

雲移奇峯峯不定松濤萬壑吹風磴披圖何處故鄉山
頓喚東華塵夢醒巖電炯炯鬚眉蒼却認肩隨總角郎
分題畫靜楊花落剪燭宵分梧影涼往苒年華如置傳
離合中間希會面早飛喬爲黃木灣又種潘花洛陽縣
官清琴鶴一庭秋結念溪山作卧遊暖翠浮嵐雲靉靄
龍拏虬攫風颭颭只今蒿少推良吏畫轡新擁春前轡
那能放眼問林巒纔可長吟壓行笥愧我

恩深侍從年萬松黃海心悠然扶筇蠟屐知何緣題詩

請俟他時驗此境未必輸君先

恭題

御筆折枝墨梅

鄧尉峯前十樹雪孤山亭畔一林月為想羅浮綽約姿
清沁詩脾境幽絕信風初報第一番影入墨池冰欲裂
宵長夢破紙帳冷道遠孤尋苔徑滑

天工小試回春手數點枝頭意纔洩暗香頓覺襲斐几
疎幹低斜橫屈鐵東皇轉眼露穠穠禁苑萬花攢繡纈

却從溫室染

仙毫泚泚寒光灑瓊屑詩成東閣興如何空谷佳人愛
高潔

題畫院供奉余省恭摹

御筆盆中金橘應

制

金橘一株形如翠蓋

上幸盤山偶見之天成寺中因寫為圖題絕句一首今

年復追憶疊韻成二絕句

命余省重募而

臣暨

臣梁詩正

等各題其次云

百顆洞庭秋離離露華滿誰移向田盤金翠耀霜晚偶
蒙

天一顧春盎綠沈管寫生愛清真題句重繾綣臨摹得
佳手勝跡騰藝苑伊昔冒朔風高寄孤雲巘而今傍爐
香勝植上林館三復楚頌篇因之感忠款

疊前韻恭題

御筆倣楊補之梅花

千樹垂垂初綻雪
亂吐繁枝弄殘月
橫空老幹獨不羣
故著疎花更奇絕
竭從子半露微陽
先遣東風吹石裂
牕外瓷盆遞消息
曉霜踏破銅墀滑
化工誰識不工工
天心早向毫端洩
冰肌忽遇藐姑射
不礙肝腸原似鐵
何須湖畔遠尋春
坐對多情舒眼纈
鉛華洗盡領衆芳
桃杏爭妍夫豈屑
清香天與契

宸襟歲寒心事憐孤潔

長至前一日齋宿神樂所南廊感事十六韻

予辛亥列

講官後屢年侍班陪祀皆宿南廊先後同宿者有前輩吳少宗伯錢少司寇及同年陳未齋宮詹介景庵侍讀諸公前歲張文敏公宿此因同少司寇劉總憲宿仁壽寺不至此者兩年今復同樂部何副憲來此同宿舊時羽士林某已化去壁間尚有予己未留題舊句云

典祀郊裡肅

親臨曉仗開齋宮虔望幸詰旦凜趨陪老屋深沉處層

垣迤邐迴去天真一握占象或三台

神樂所與齋宮僅隔一垣 舊

職清班峻流年急景催吳陳曾款曲錢介重徘徊茗淪

先春蕊爐溫到曉灰雪鴻飛不定莊蝶夢頻回蕭寺翻
書帙經樓掃徑苔忽聯蒼玉佩仍宿白雲隈榻是前時
下人今幾度來撫琴遺鶴羽題壁認蛛煤柏古添深翠
松高見始栽晝閒忘短晷地迴隔驚埃歌枕聽宵漏掘
衣傍帝臺只應憐馬齒羸跡日隨隤

和香樹前輩齋宿白雲亭見示元韻

齋次先期晚入城遠傳騎唱聽餘聲虛堂前燭人初散
晏坐圍爐境自清候轉葭灰催短晷談霏玉屑數深更

朝來合薦

郊壇瑞釀雪同雲一望平

壽家廣陵叔六十

自我來京師三十易寒暑中間雖暫歸寄跡等行旅一
從登仕藉望望雲山阻夢寐到鄉園惻惻懷舊侶荏苒
閱歲華零落僅可數叔也季父行華顛困終窶屈作句
讀師聚徒喧兩廡蠶鹽仍健在未覺書聲苦有如松柏
姿歸然秀平楚憶昔少年時里閭快游處形忘談輒深

興劇勇可賈屐從雲中携酒或宵分賭開軒對晴竹翦
燭聽夜雨紅葉燦秋臯綠烟涵春鴈當時縱言笑意氣
頗軒舉疇知纔轉瞬鬚髯遽如許冰衡念先德瓣香繇
隊緒事嫂見必冠字孤幼能撫循循篤內行食貧堅自
樹鄉閭重老成醇謹化頑窳嗟予謬叨

恩行能一無取興言范公莊背汗透衣褚惟當鑒知足
謁告倘蒙予東阡杖可扶南畝秫可煮耆英修故事晚
香娛老圃奉翁百歲觴人瑞繼遠祖

題介景菴侍讀野園圖二首

數竿修竹靜生香
猶記開軒六月涼
多少樓臺圖畫裏
吟情不較野園長

部分遠聽官蛙兩行
案朝看瓦雀雙
賴有新詩能領畧
盡延野色入吟牕

題涇南張文敏公書卷

三生禪悅味醍醐
遊戲毫端五色珠
賸有一漚浮墨海
漫將題品付肩吾

香光墨妙杳雲烟入室端應畏後賢可惜千秋兩文敏

一籌輸與未華顛

董文敏與公同里同謚亦同善書
董年八十餘公僅五十有五故云

歲暮齋宿白雲亭疊香樹前輩韻呈同事諸公

東風拂面入重城又聽千門爆竹聲杓轉斗車陽始布
芒銷貫索氣先清齋心五夜心逾惕感事中年事飽更
不有寅恭師法在敢將丹筆誦持平

小除入直疊前韻

崑崙一角五層城身到重霄聽頌聲

奎藻日新三古盛天和春盎萬方清露華溥處階蓂茁
風物催將歲籥更玉砌十年翔武地愧無涓滴贊昇平

丙寅春帖子詞

鳳紀重開丙璇樞首建寅三陽一氣轉六宇

萬年春

風到梅梢第一番九華燈影耀銀旂

祈年纔轉青郊仗恰報春光接上元

十四日值仲辛是日立春即以是日

教祈

曙旭瞳矓啟繡簾露融金掌萬方霑共欣

愛日瑤階永更喜春隨閏歲添

丙寅元旦試筆示兒

人於天地受中以生聖凡雖判學則有成為學維何致
知力行困勉罔懈必強必明日居月諸斯邁而征律管
弗愆歲序亟更在時為春在王為正平秩東作申命先
庚履端伊始繼續以康習以時敏新以日亨於寅而寅
歷貞乃貞譬彼嘉穀必勤於耕惰農自安困瘁曷盈譬

彼良弓不廢於檠弛而弗張舍拔曷勅譬彼寶玉匪攻
曷瑩譬彼珍味匪湘曷羹知恥近勇業勤斯精厥志克
奮其神乃清分陰之惜尺璧為輕自卅而弁如木之萌
式培其根以達其英杲杲朝日麗於東瀛繼長增高孰
量其羸蚩蚩之氓亦各有營匪夙之戒乃賁乃盲予少
也怠長而僂僂墻高基下背汗顏頰於我先祖貽經滿
簾祚開奕葉弱植蒙榮本深末遂實大聲宏勉旃小子
先民是程

恭和

御製正月二日小宴廷臣元韻

軒紀開元會虞賡慶一堂先春風細細獻歲物昌昌甲
煎浮

蘭殿辛盤進柏觴五雲歌復旦八伯舞昭陽脯應克厨
簋羹從湯鼎湘金莖鼉柱直瓊液鳳團香簪佩霑

優渥垓埏仰

惠康欣看時玉賜正兆屢豐祥

題文待詔溫蘭卷應

制

閩天鬱炎風楚澤荒宿莽猗猗谷中蘭寧辭衆草伍千
里結同心故人渺何許殷勤玉磬翁自草國香譜紛披
風葉交一一折釵股緬思問絹年清芬足千古

待詔父
林曾為

溫州
太守

題唐寅金昌秋色卷應

制

騷客多秋懷幽居市塵屏孤雲澹遠天空曠心自領縱
棹將何之楓落吳江冷

題曝書圖送任大宗伯予告二十韻

台斗三朝重聲華兩世聯臚雲螭陞接軌影風毛鮮嶽
立欽前輩風流映後賢冰壺清不染金鏡炯常懸澹處
人如菊珊珊骨是仙容臺思贊贊綠野興翩翩自草歸
田錄重吟池上篇風軒子猷竹水榭杲之蓮庫定東西
列籤應甲乙編賜來珍琬琰校處認丹鉛鄴架差堪擬

韋羸未或先藏看汲古富圖借曝書傳却憶西清秘叨
陪內直專襟期親皎潔情話致勤拳祖帳榮疏傳詩題
繪輞川品高南墅石乳挹惠山泉蘭茁春華郁梅標雪
霽妍勝情臨繭紙餘興付鷗絃暇日謝墩屐春風鏡曲
船潞公行再入聽履定何年

敬題

御筆秋江漁艇圖

江平鏡面掃眉嫵鷗鷺鷓鴣滿沙渚亭臯初見木葉下

隔岸漁村近可數屏翳解嚴川后靜不遺掀空浪花舞
一年幾見好風日雲山粉本定何許樟亭九月落潮時
隱隱西興報鐘鼓

穀日齋次再柬香樹前輩仍疊前韻

幾度齋明傍禁城同聽鄰舍飲呼聲沈公腰帶寬仍減
荀令衣香遠尚清結習多生難盡埽良方經驗戒輕更
來朝候轉陽和暢計日朝參玉體平

祈穀陪

祀再用前韻恭紀

祈年香輅出嚴城

齋殿春迴曉漏聲青甸土牛迎五夜

是日寅時立春

紫壇玉葉

近三清

大享殿圓覆三層最上翠瓦名曰青陽玉葉

咸英樂聽初終奏犧牧

星明左右更

隋書天文志婁東五星曰左更山虞也主澤藪竹木之屬亦主仁智婁西五星曰右

更牧師也主養牛馬之屬亦主禮義二更泰爵名

已告蕃釐霏六出不須嘉瑞

數華平

題丁布衣乃清饁耕圖

短衣携具餉邱南瓦缶匏壺竹筍籃何處陰濃堪舉案
豆棚斜靠柳蔭蔭

晴嵐閣學貽水仙碧桃走筆為謝

釀花居士遣送花白琢冰雪紅蒸霞亞枝含笑人面暎
倚石側簪雲冠斜濃妝淺葷各異態神仙風骨無爭差
信風纔到老梅蕊綠意未迴新柳芽幹旋直借補天手
鬪豔競出東皇家凌波娟娟步羅襪和露灼灼調鉛華
風輕自著紙屏護寒重更倩重簾遮薌林矜賞破枯寂

靜海觸緒翻愁嗟

梁勵二公各有報詩梁鰥居勵有子婦之感情見乎詞其意云爾

我

生幸不乏意趣燈前笑語爭喧譁兒童少見強解事溉

以新水培新沙燈棚廟市不計數珍重詎比辱拜嘉屏

閒墨戲適寫照筆妙隱躍飛龍蛇

屏間雙清園小幀亦釀花居士所臨趙子

固王元章兩家筆

看花對畫坐忘倦頓令陋室春光奢從來草

木同臭味莫笑瓊樹依薰葭

恭和

御製正月十六日奉

皇太后瀛臺看烟火即景燈詞八首元韻

承

歡令節應春規瓊島雲生羃四垂

鸞扇影中珠萬顆擁將璧月照冰池

六龍銜燭勢迴旋壁帶金釭寶炬然
達曙爛銀開紫府
生烟暖玉出藍田

火樹千行徹上清紅雲一朵護通明
九華七采爭輝處
歷歷繁星拱玉衡

燈市浮圖夜煮茶
九衢歡笑萬人家
誰知別有仙都景
電掣雷轟起蟄蛇

中天懸秀玉為臺扶

輦今春特地來

往年烟火俱設
西廡今歲始在

圓明園
瀛臺

海上駕山鼇

顛顛雲中飛蓋鶴毳毼

空際摩尼舍利光
散來蔭蔔辟寒香
蘊迷七海光明境
不抵

天家錦段張

魚龍百變儼成真獻壽瑤階有化人更喜明璫排寶字
萬年

天子太平春

連朝瑞葉綴瑤林纔轉條風散遠陰正是傳柑懽賞候
早從望杏

念春霖

大風歸自南苑

當年春氣動條風藉宣暢連朝風怒號陰寒勢彌壯晨

曦暝無光驚沙迷所向郊南陸為海邈邈原野曠封姨
騁長駕燁疾偏張王重儻翼肩輿寸步力相抗有如涉
長川忽遇萬里浪波濤聲滿耳孤篷信飄颻嗟哉行路
艱豈在阻巖嶂迴思昔者至晴暄物駘蕩佳時不易值
涉歷難預量造物亦何心達人齊得喪朝當風威霽草
色行可望

戴烈婦詩

并序

烈婦姓謝氏湖南零陵人隨其兄入蜀年十八

適絳州氓戴永珍逾五年夫死兄公欲嫁之誓
不從母迎以歸其兄潛納蔣某聘烈婦聞之沐
浴自縫紉其衣經于夫塚上樹以死距夫死纔
五月耳有司上其事請旌于

朝刑部員外郎桐城王君為之徵詩紀之輒擬樂府一
篇備采風者錄焉

妾有夫向黃壚妾心隨夫願與俱夫兄不諒何其愚皎
皎明珠肯受汙泥汙夫兄不諒何其愚歸依母與兄

誓死無踟躕兄也納聘勸改圖出險入險茫茫四顧將
安徂哭拜夫塚心與俱三尺之練六尺軀千秋宰樹枝
不枯

恭和題

御筆玉蘭元韻

種是藍田迴辟塵香分澧浦號迎春憑將

垂露流雲筆貌出冰心玉骨人

華林揚綺淨纖塵素豔還留玉殿春不為閏年饒麗景

藐姑那得見神人

長兒就婚南蘭陵登舟夜遇大風雨念之有作

汝去當秋暑車塵汗未乾
初程逢雨夜即次尚何干
小試風濤壯應知道路難
同行多老伴相與慎眠餐

恭和

御製擬中秋帖子詞元韻

歌管風吹玉宇閒
詩家綺語例難刪
從看

天上清虛境信有蓬萊第一山

瑤牋幅幅領秋光

仙翰長涵桂露香
百顆驪珠爭月彩
高騰碧漢六星匡
御製新傳付畫師
畫圖那得擬

新詩一輪澄徹三千界
滿意清涼百子池

滿意

挹清涼
御製秋光

詩中
句也

茅屋懽聲接市樓
今年秋是十分秋
萬方正效

升恒頌歲歲良宵一舉頭

題文待詔松陰高士圖應

制

鳴泉琤琮沙瀨淺立石孱顏淨苔蘚輕烟一抹遠碧橫
望裏青山高偃蹇松陰二士樂幽棲清影滿身同把卷
玉磬山房點筆親烟霞性癖出風塵遙情直溯懷葛上
空谷何由見若人嗒然相對忘言侶應是停雲自寫真

應

制分題鏤牙畫冊得仲春

鵲鵲樓頭雪未消剪刀風急近花朝冰開鴨綠波三尺
烟染鶯黃線萬條燕子欲來簾額敞杏花初放酒帘飄

化工幾費雕鐫力收入琅函景倍饒

瀛臺侍宴用唐臣李嶠甘露殿侍宴詩字為韻分得御

字

金行零露灋瓊苑卿雲曙

令典集星班廣筵臨

日御瀛波

祖德深稔歲

皇心豫舟度虹連蜺

牋飛鳳翥伶簫軒樂張瑞筵堯厨飫

異數荷頻仍榮睽石渠署

賜宴瀛臺恭和

御製元韻

秘苑清秋擁蜃珂

恩睽堂陞慶時和境開靈囿森琪樹候紀幽風稔瑞禾
鳳艦雲移天上坐

龍旂日射鏡中過雅南共矢卷遊盛遙應康衢鼓腹歌

殿敞含元綺席稠黃霏

黼辰菊香浮鈞天響叶金風應

仙醞甘分玉瀝流蘭渚更教臨曲水蘆汀遙指颺輕舟
從容不覺移蓮漏歷徧方蓬最上頭

竹淨梧清曉靜娟肅陪駕侶傍爐烟分牋屢許賡
天藻賜醕仍叨近

御筵高宴正宜豐歲舉令儀端自

舊章傳儒臣載筆徧多幸玉署承

恩甫隔年

甲子冬新葺翰林院

臨幸

賜宴為

一時盛事今次

賜宴亦惟翰苑諸臣得

預為多由救前此侍宴蒙

召至御前賜酒今

賜酒者十五人臣復得預第四句專紀其事

紅雲捧處許遲留

恩溢瀛波豈易酬
八伯載歌欣復旦
九農命庖泰司秋
心盟止水慙如鏡
情察潛魚忍用鈎
應識

天懷同樂處
早覃膏澤徧溟洲

寄懷吳晚亭舍人

夙昔蘭臺共一編
而今不見動經年
千秋業就推陳壽

三絕題成數鄭虔老去總成書裏蝨相思長檢篋中牋
雲亭載酒知何日先遣龍賓助草元

送沈歸愚閣學請假省墓

雲碧天清朔雁翔黃扉仙客傲晨裝江頭蓉老迎歸棹
籬下菊開遲晚香盛事不須誇鑑曲深情豈為憶萼鄉
奎章御醞叨榮遇典故應添紀玉堂

名士從來多結習先生風味藹宜人天憐晚遇榮稽古
我讀新詩愛率真甘首生秋廢韻穩兩篇

垂露被

恩頻

先生奉
首及請假蒙

命恭和

御製生秋詩廿
賜御製五言律者再

寄言英絕

騷壇侶好近芝蘭謝棘榛

題唐寅茆亭話別圖應

制

吳中仙子謫仙輩切雲高冠陸離佩蛾眉謠詠絕世姿
美人香草離騷詞有時縱筆寫胸臆掉頭一吐千古奇
寂寂茆亭定何許何緣邂逅同心侶鹿門甫里倘相逢

白石清泉堪共語

題夏景王紱合作竹鶴雙清圖應

制

條然兩長身意閒態逸迴出塵一俛梳其翎一引高吭
步苔茵妙筆為寫藍田真舍人添得湘江筠雙影翩翩
映叢綠簌簌清風戛寒玉竭來泉石締幽盟還向雲霄
寄遐矚月明露冷幾聲來豈獨此君能療俗

恭和

御製雪浪石用蘇軾韻

定州城西烟雲屯峻嶒聳處石丈尊坡翁出守北來日
坐惜僵卧靈塵昏一條雪浪走巫峽如象如馬搖羌村
故鄉山水忽到眼吟情遠寄劍閣門勢爭秦華壓代北
詩家千載驚心魂名園移置自何代石今在韓魏公衆春園中老樹
交蔭蟠深根幅巾坐嘯記閱古魏公帥定武為閔古堂自記中有幅巾坐嘯恬
然終日吾之為樂豈有既哉繚垣誰拂苔蘚痕

翠華西巡六飛駐摩挲往蹟與細論

重拈強韻四三疊

御製凡
疊和四首

濤翻墨海雨瀉盆愛人重

物物亦重應令此石萬古名常存

恭和

御製行在詠雪效聚星堂禁體元韻

慢城夜掃千林葉行旌朝卷半空雪應時

甘雪應時晉
王虞帖中語

蚤懨望雲心

壬戌
望雲思雪意一首
御製詩有

父老迎

鑒詫奇絕緣塍漸不辨高低除道直應迷曲折駝背堆
來峯欲連馬蹄踏處泐隨滅

仙毫疊和白戰詩

亦四御製疊韻

元氣淋漓奔電掣歐蘇千

載稱巨麗那敵

雲機排繡纈

天工巧出無窮奇節葉寸枝夫豈屑凍硯傳抄手欲胝
長箋屢

示眼纔瞥臣從歸到讀且驚心知妙處無由說惟憑指

點認林巒北苑宗風筆如鐵

時

命學士董東山寫圖

恭和題

御筆畫梅元韻

淡月疎烟作意親
藐姑何處覓神人

化工祇在生花管
散作塵寰歲歲春

羣玉山前第一流
畫圖詩卷總長留
天心驗取初陽復
幾點先傳朶殿頭

恭和

御製太液冰嬉元韻

幽風陳舊俗
文園試新觀
候紀書雲史
班分典衛官

御床臨月鏡

上臨觀幸
御冰床

禁旅驟星灘鷺振森成隊龍

驤迅激湍爭先矜獨得展技妙俱殫容與身逾捷飛騰
氣自安祇誇追電易未覺步虛難鼓勇端因勢凌風巧
禦寒

題曹夔音倣曹雲西山靜日長圖

翠蔚烟深樹交影禽聲上下清晝永悠然孤坐午枕餘
漣漣循階玉泉冷北窗白日即羲皇何必桃源說仙境
軟紅滾滾日馳騁誰向山中看畫景回頭笑謝曹雲西

妙處無言心自領

恭和

御製題墨梅元韻

墨梅清韻古未諳
邇趙但解調朱藍
禹功點染獨遠探
積雪半亞南枝南
華光逃禪創此格
此君筆力都能兼
後來竹莊雅好事
坡翁仙句憑重拈
烟籠蓓蕾纔半吐
超悟不異叅香巖
一枝竹外偏有態
藐姑綽約斜窺簾
道人放筆作老幹
苔纏龍甲經春添
自成一家生意足

俗譜枉事論員尖由來絕詣不相襲品重難判玉與城
作朋會合小清秘開卷已拂香醺醺留題數子列左幅
發揮意匠縱橫談

雲牕坐展辨誰某清詞逸翰情為悅

奎藻親題散珠玉春姿浮動神襟恬直廬捧玩光照眼
六花初撒庭中鹽句奇韻險若天造想見

筆妙由心潛吟餘恍惚銅坑樹依約臨風側冒檐

丁卯春帖子詞

青輅東郊仗懽聲九陌同兩番春到處併在一年中
杓轉璿衡指孟陬歲星旋次紀初周萬方共獻

慈寧壽愛日春融十二樓

花信從頭入禁林

宸衷端為阜民深

親題寶帖宜春字字字勤農望歲心

欽定四庫全書



卷十二

松泉集卷十二

欽定四庫全書

松泉集卷十三

丁卯

吏部尚書汪由敦撰

丁卯恭和

御製新正二日試筆元韻

仙毫揮灑物同春七日三陽協令辰

去臘廿五日立春至是七日矣

到

眼階瑩雙葉秀從頭苑柳一番新花縈舞袖團金粉

是日

乾清宮

賜

香溢芳樽泛玉津歲歲承

宴演百花新劇

恩慚報稱敬持丹筆體

深仁

齋次見新月

清齋畫省靜沉沉碧落銀蟾濯素襟冰影半規懸屋角
雪痕一縷落牆陰夢驚鈴柝初更急寒薄衾裯五夜深
記取新年乍相見入懷朗鑒許盟心

賜燈恭紀

華燈拜

賜出彤廷的皜皎冰映曲屏星彩摘來天半影藜光分
取閣中青靈瓜顆顆丹陵種仙桂枝枝月殿馨喜見清
輝生四壁一編何藉案頭螢

初十日同錢香樹魏慎齋兩侍郎白雲亭齋宿次

日移寓

天壇南廊香翁寓仁壽寺有詩紀事次韻

絳箋飛遞自僧庵為紀清齋宿昔談賦就甘泉祠泰一
人來秋署應魁三香霏綠雪閒評茗帕裏琅霜乍破柑

又是新年移榻處壁間鴻爪指廊南

祈穀陪

祀恭和

御製禮成元韻

田火輝黃幄柴烟護紫霞
青陽高肅穆珠斗曉橫斜
鬢鬢方合勾陳靜不譁

神光通座右曙色上簷牙
豐稔占年事冲融驗物華
端門鏡吹兢雲擁

六龍車

正月十四夜園居讀蘇詩上元過祥符僧房七絕
有一室清風冷欲冰之句因用其語成七律五
首述懷兼寄兩弟時值燈節每首皆押燈字

一室清風冷欲冰全忘佳節是燒燈吟情草草酬新歲
興味蕭蕭學老僧別院笙歌花作隊天街車馬市分朋
從來未慣娛遊樂閉戶深山我尚能

九衢春色暖初蒸一室清風冷欲冰且喜隨時心淡蕩

何妨隱几睡曹騰

恩光祕殿催歌管

新年再蒙
陪侍曲宴

節物蓬廬豔

賜燈

蒙

玻璃雙燈

賜

今夜荒園成獨住十年情話共良朋

予自

戊午來此與梁大司
農結鄰今年矣

漫道蓬壺最上層殘編凍硯伴青燈半階素月明於水

一室清風冷欲冰短棹烟江遲旅客

丁亥十四夜舟
次富陽江干

小

樓佛火對孤僧

癸巳元夜寓望江茶
庵庵中惟一老僧

當年風景依稀似

華髮多慚逐歲增

嶺頭南望海雲升，綵勝椒花乍試燈。
兒女闌情牽夢寐，

諸姪姪女皆在故鄉

農桑有課最勞能。滿城喜氣濃如酒，一室清

風冷欲冰官况甘辛。惟自領外人傳道，亦何憑

溪畔銀花記紫塍。鄉園勝事雅堪矜，碧螺春餅辛盤菜

絳蠟紗棚午夜燈。人比少游稱謹厚，年驚老杜說飛騰

季弟今年四十開緘千里應同笑，一室清風冷欲冰

恭和

御製江參江山千里圖歌元韻

藝林誰繼荆關席天水江生遺妙蹟勝槩高凌巫峽雲
遠勢平吞雲夢澤峯巒橫側殊意匠林樹參差與目逆
沙邊練淨暮潮平天際帆開朝霧闊柴門不正路紫紆
漁網纔收岸歌仄胸中密蘊造化功筆底潛驅鬼神役
舊聞米顛工墨戲北固雲烟攪晨夕縱然橫軼出新奇
何似清真擅標格

披香畫靜契心賞濤湧

雲章炳

奎畫俯視香光叅畫禪頓覺仙凡霄漢隔遇合方知翰
墨神長共江山閱今昔

送筠川太史兄南還

凌雲賦罷賦歸田無計攀留但惘然別緒匆匆來歲暮
深談款款祇燈前

予下直頗遲接晤多在燈下

憐才那得辭官謗解

職何能遣俗緣

兄將以餘閒攝攝家務故云

且喜及身强健日不須

思頴說他年

廿載緇塵京洛游十年清譽鳳池頭才驚倚馬應無敵

兄廷試日納卷最先舉兄者直督李敏達公時正入
覲追朝與予遇於午門相告曰令兄以第一人納卷此
時當已取定予所舉可信不謬矣

文擅探驪豈暗投鎖院再披經案月

戊午已未鄉會試兄皆預分校

持衡徧賞錦官秋

甲子典試四川

即今嵩少知

心在未負平生第一流

出語曾令宿老驚肩隨象勺忝齊聲自慚屬望勞前輩

兄與予幼時為里中父老所器期望最切

好舉家風最後生稽古漫酬當世

業逢時難遇大科名華顛相對渾如昔閱歷差教意氣

平

堂前祖訓記分明垂橐端知勝滿籛

先藩叅公以經籛名堂兄家塾所在

竹簟暑風多逸興茶烟禪榻有餘清

兄來都下寄寓僧房

從教館

閣評彈事巨耐鄉閭詫宦成三老遺踪如可繼勸酬先

訂鷺鷥盟

先高祖太僕公暨從高祖督學三餘公族祖副使鶴嶼公明神宗朝先後成進士晚歲同

里居鄉人至今稱之

家問中得三弟諸子所寄書喜而有作

衰年別無冀兒曹期袞袞三子眼未見問訊頻繾綣豐
盈犀角兒顏狀心自忖朝來簷鵲喧發函春案暖赫䟽

書細字語質意勤懇膏壤播嘉穀計日俟麓蓂秋實良
有時厚植先培本渥注千里步所貴氣深穩他年娛兩
翁秀句春婉婉題詩當去聲撫掌用示遲適遠

丁卯二月八日隨

駕過潞河

驚黃嫩柳欲含烟鴨綠新波已漲川清潞重來照顏鬢

流光一瞥又三年

甲子春扈從
今閱三年矣

恭和

御製題文徵明獨樂園圖即用東坡詩韻

堂堂涑水公憂樂以天下誠信孚兒童德望重朝野授
閒闢小園真率畧杯斚靜觀物皆春高吟時過夏脩然
杖履閒餘事涉風雅懷古希七君

見公獨樂園七咏

異代比同

社一時號多賢疇是知心者眉山振高調不顧和人寡
大厦誰支持洪鈞藉陶冶為憶入朝時沿道擁去馬穹
碑照古今三復詎忍捨衡翁橫老筆淨洗鉛粉赭千載
待天章一振羣音啞

恭和

御製桃花寺行宮對雪三首

春雲迷梵剎暮雪罨林霏望久欣初密憑高眺入微皴
來山骨瘦潤處土毛肥共識

宸襟暢薰絃手自揮

山靈候

駕來點綴白雪隈紅萼連宵放瓊英六出開泉添珠漸
澀松壓鬣毳一一供

詩興寧須東閣梅

歷歷烟村路家婦子娛豫遊誠若此感召宣然乎裝
重明駝滑犁輕健恃扶不緣扈

清蹕此景見來無

恭和

御製恭謁

孝陵元韻

鸞輅歷雲關

欽定四庫全書



遐思霜露間

顯謨垂奕葉遺澤決戎蠻為想

開基遠彌知繼序禧

寶城躬奠處慨慕動

天顏

恭和

御製恭謁

景陵元韻

地靈著應策

雍正初年
孝陵曾產瑞著

原膳董如飴

馬蘭谿所
產藥有可

茹守

陵兵採製餉

客有藥菜如意菜諸品

軒鼎橋山悶

堯天冢海知蒼雲護華表春露浥喬枝繩武

皇衷切依然繞膝時

薊州遇雪

經冬乏三白望雪目為眩春來日風霾雲作屢中變脈
土膏其動待澤恒眷眷天高邈難測占候雜農諺山行

遺重陰薄暮集微霰漫空稍霏霏繼此飛片片一夜卷
玉沙霑灑滿芳甸笑問路旁農耒犁行可徧覆塊麥苗
青計日餅餌賤豈知老農心貪得之餘羨雖少良勝無
知德抑何鮮征夫無遠圖且免塵撲面

恭和

御製夏山疊翠圖元韻

屏開列遠岫簾卷潑濃綠風來巖葉重雨過磴花馥雲
峰爭出奇變幻一何速

勝賞攬清暉秀色近盈掬永懷槃澗人無為傲幽獨

獨樂寺

范陽昔雄鎮阨塞宿勁旅而今奉

陵邑鬱葱鄰霸杜況復久承平閭里厚生聚扈

蹕此頻經觀風冠左輔城西有香林中衢聞法鼓流傳

自誰昔巨榜照千古為問獨樂人疇拯衆生苦行樂但

取獨所樂能幾許無苦那有樂更請下轉語未暇歷禪

扉寄聲叩初祖

盤山

橋山鬱磅礴西來走踔踔於茲萃靈秀羣峯忽騰騫森
森列郭郭環拱紫蓋尊浮圖踞絕頂參斗近可捫佛火
遞隱現恍惚難具論貞觀一片石上有金甲痕高臺傳
衛公劍術授白猿圖經志古蹟傳會徒攀援我來愛山
色陸海蟠崑崙晴嵐翠欲滴烟濤時吐吞萬松古而秀
一一蒼雲屯老榦戲寸節下垂百尺根怪石驚鵠峙或
作熊羆蹲危蹊斷樵徑曲磴藏寺門時於亂石罅激激

淥泉噴泠泠虛壑風松吹雜潺湲印沙虎跡交遷枝禽
語喧倚杖一縱目羅羅數烟村陰陽分向背霏霧變朝
昏一步一幽境安能窮其源偉哉造化力雕刻神功煩
田盤彼何人跡晦名不謾桐君匡俗輩地勝藉竝存况
茲近畿輔時見羽葆翻攀躋留

睿賞遂谷迴春暄何待青蓮筆佳詞吐芳蓀

雜記

磻戶新泉初壯崖陰殘雪未消玉紫小紅破萼始知今

日花朝

盤山
花朝

徹夜枕邊淅瀝夢回疑是蓬牕帳外迷離遠火居然短

棹春江

盤山行
次夜雨

一夜山中急雨蕨芽蘭笋生香正是清明時節行人那
不思鄉

松蓋尚擎宿雨柳絲乍染朝風彈指頓經卅載杏花時

節江南

雨中
晚發

阡陌土膏似掌五更好雨如酥烟景憑誰繪畫青疇徧

處犁鋤

其二

為問田盤泉石何如黃海雲松惜不移來日下六飛徧

歷芙蓉

盤山松
下口占

山色黛螺擁髻雲容白鳳戩冠為想碧虛仙馭凝妝待

旦迎

鑒

了髻
山

誰信噓雲行雨先教伏蟄潛淵洛下慈明何似南陽諸

葛當年

盤龍
山

扈從雜記三首

曠曠初日照前旌
萬馬爭隨豹尾行
何似曲江秋八月
千帆齊發趁潮生

起居那許外臣知
行殿傳催入直時
內侍拂塵纔
駐輦先呼筆硯賦新詩

攬勝憑輿

藻思妍雲蒸泉湧
自天然露珠猶濕容
先覩半月來時

七千篇

初八日起
逢次

御製詩七十餘首
駕廿三日回鑾

裘叔度少詹見示盤山紀遊雨中書事二作即用
曉望元韻為贈

清才磊落遠塵囂石骨烟嵐格竝高喜雨情深緣望切
遊山力健稱詩豪屬車清蹕相如賦龍駕螭駉屈子騷
多愧衰孱憚行役沾衣唯憫僕夫勞

白澗行次坐雨疊前韻

入暮簷牙聽轉囂鳴渠決溜欲爭高叱牛行見村農急
策馬偏誇禁旅豪羶帳遠橫烟漠漠酒帘斜倚樹騷騷

如膏共道輕珠玉路滑前岡敢告勞

恭和

御製題三友軒元韻

拈花一笑叅牟尼惟目所遇得所資攝將萬彙入心鏡
何必木石非吾師齋中三益首髯叟左琅玕竹右玉梅
松寒竹勁梅格老幽芬逸韻兼得之一堂相視意莫逆
自覺臭味於人宜琴詩與酒縱可愛若論節槩將從誰
乃知取友貴有當孚嘉乃吉豈妄隨

秘殿清嚴富緹錦墨香醺冉雲紛披十八公圖叢古翰
鏘金賦筆琳琅辭七賢三昧兩長卷

天毫一一親留題世間神物美必合氣求類應恒如斯
文牕展對共晨夕同心奚讓金蘭為三友名軒耀

奎藻闡宣聖訓惟

聖知陶蘇鑄白別有契高士接跡軒鬚眉棟梁材長鼎
龍寶東南之美夫奚疑取才取友義本一山林泉石興
遐思

春曉入直

魚鑰初傳曙色橫
風吹殘漏有餘聲
遊仙難醒人間夢
換骨須從天上行
擁帚玉除春露重
捲簾溫室曉燈清
應知無上光明界
顧陸丹青畫不成

園中杏花

牕前紅杏手移栽
七度花時總未來
只有今年差不負
主人來日恰花開

再題二絕句

花開花謝委驚塵怪底匆匆過一春
莫為看花緣分淺
愁風愁雨更傷人

粉靨纔看浥露鮮殘紅幾點印苔錢
也知穠豔無多子
勝結屏前一笑緣

恭和

御製春日駐蹕香山元韻

山容春曉麗雲氣雨餘清
一展憑高眺因之暢遠情
三時農緒始衆妙物華并

仙館傳天藻頻聞召墨卿

霞磴疑秋爽風軒想夏涼
明心叅古柏晞髮對扶桑
琴韻落幽磴鐘聲出上方
點塵何處著直擬溯鴻荒

幾度

翠華臨新泉滌素襟尋峯疑叶斗

五臺山有叶斗峯

問夜正橫

叅一徑入烟澹千林積翠深
悠然熙皞景耕鑿塵

堯心

靜宜園侍直作

雲生几硯泉當檻樹隱簾櫳石倚樓
小李將軍無此筆
天開圖畫奉

宸遊

標奇攬勝領風華點綴樓臺整復斜
天遣名山生輦下
肯教終古悶烟霞

聽鐘趨直赴晨鴉簾卷前山片片霞
鈴索無聲封事少
一鞭歸路日初斜

犖确汾山一逕迴輪蹄踏苦飛埃
若將畫境論山色

何似前春雪後來

去歲初營香山曾奉
命得偏歷諸勝是日微雪

絕愛靄光放眼時
江湖水盡供詩却來雲起亭邊望
廿里烟村又一奇

樹色山光潑眼開
雨餘泥滑淨塵埃
何當乞與天工便
一水平移畫舫來

出西直門口占

一灣碧水鳳城西
高柳成陰蘸水齊
較射倦來看洗馬
底須携酒聽黃鸝

油壁歸來土霧昏
折將弱柳繫前轅
記逢寒食平江道
畫舸笙簫進水門

樹影橫斜落日低
隔林鳩婦盡情啼
憶來廿載黔南路
暮雨深山叫竹雞

直廬即事

晝長人散敞簾櫳
宮漏三聲過未中
晚奏封章還待報
坐看飛絮撲晴空

落花時見隔牆飄
判得殘春付柳條
却愛卷簾添物色

栽成叢竹放新梢

憶舊

小桃開處倚紅牆
曲徑苔深薺菜香
徧數題名說科第
泮宮橋上月如霜

布機紡具荻簾邊
繡帖書奩畫檻前
三十年来風氣別
日銜金管坐吹烟

清勤堂藤花盛放梁
大司農招同人醺集得恩字
通宵好雨散朝暎
洗出雙藤紫豔繁
弱穗倚風高作態

清香泛酒淡無痕庭留宿潤塵埃靜人趣餘閒笑語溫
此集年來曾幾度方知一醉是

君恩

比歲花時多以祈雨不及新晴極
醺賞今年連雨霑足適值時之快

題程風沂給事溪山著句圖

練江清徹底松蘿蓄雲霧空翠襲衣襟勝景起跬步翩
然梧掖彥畫繡曾蹙赴邱壑具真賞雲林領佳趣北苑
寫新圖約畧釣遊處溯源到吾村百里纔旦暮卅年勞
夢想君亦漸遠路縱愛好溪山蒼茫隔烟樹安得似圖

中洗硯同著句

寄趙橫山憲副同年

先生我兄事一見情意決通籍逾廿年相將比鷁鯨別
來三載強飛轂纔貶睫君家壽母康羞膳躬七袂嚴程
雖云屈詎肯戒行艤蕭蕭南鴻飛尺素喜頻接笑我鄙
吝深莊語未敢輒誨讀辱諄諄報辭苦剗剗疎慢名譴
呵一讀一心懾惟愛換鸞書藏弃秘滕篋竭來當稍間
因敢請所業潔殮問起居舉案整褸襟丹萼繁晨葩甘

露朝可浥花下御板輿湖上理桂楫為叙平生遊不啻
數軍捷戟轅宣鼓吹絳帳森鉞缺獨坐多冠戎傳呼騶
從俠笑語動朱顏喜色浮滿頰歡逾舞斑斕情宛佩觿
鞞餘閒課諸孫藝圃恣戲獵庭前有書帶舊叢茁新葉
枯題輪日拈大經排句貼玻璃

賜硯瑩縹帙

御香裛臨池授官奴撥鐙論鉤摩坐調渥注駒轉瞬浮
雲籥時有好事人問字遠負笈連篇煩指授片語得心

慇懃若雲霞舒鏗若韶獲協家庭樂冲融勝賞歸總攝
人生當此境奚羨高資躡暢答三春暉莫問九鼎燹蟠
桃看再熟瑤草正可拾唯餘故人心雲樹江千疊何時
一升堂春風隨步履

附和詩

趙大鯨

冬暖梅萼舒巡檐偶散屨忽枉朶雲書情辭互稠疊
宮亭惠新詩珠欵如可拾望公重岩廊台鼎待調燮
俯念平生交地分恩起躡夙昔鄙吝心叔度藉檢攝

睽分三載餘神交誼彌叶含意每自申情素多稱悵
唯懷將母心難負遠遊笈忽疑駕與駘尚冀雲中籟
心跡頗驚汗寸管遂輕摩年來賦白華仰承

湛露裛庭帟戀晨昏起居問安貼愛日日方長仙萼吐
葉葉未能供甘旨間亦事弋獵閨中佐調膳童孫環
佩韞含飴樂婆娑時時開笑頰閒居似潘岳清慎希
裴俠持身凜有基歸來類彈鋏知當甘靜退寧復闕
輕捷諸公方袞袞均資濟川楫霖雨敷九天林泉亦

沾浥歌咏太平時逍遙散襟襟課兒方下帷還復理
故業補讀童年書陳編窺漏篋亦欲事著作衰眊每
心懾惟公退食餘操翰手不刳雲霞眩交彩風月思
動輒詞源富沃蕩浩浩孰可接譬彼航絕潢忽縱江
海艤本無濟時籌毋庸為借挾顧瞻雲霄人勲名照
眉睫相違天一方東西比鷗鯈芳訊吐綢繆如親笑
語泱

寄同學施日銓明經

憶昔論交初紀歲在協洽賜書萬松巔講堂聚巾幘君
惟執牛耳走濫捧盤軟下帷西序西席舍左右夾薤鹽
苦自勵蔬筍不滿筭矻矻事經畬斷斷守家法君文湧
江源萬里出巫峽走如掘井泥九仞力畚鍤惟此方寸
忱蠢迪互檢押沈思獨繭抽忍事醢酷呬稍苦稂莠滋
器訟稔苔雪風輪逾二紀雨散僅一霎郎君搏健翮緇
塵染衣袷烟然秋水姿光氣騰寶匣珠琲爛盈編銀鈎
紛滿筴共指豫章材耐冰雪壓幽蘭在空谷可佩不

可狎為想聖湖濱春波泛花鴨携柑堤柳陰嬌鶯啼恰
恰新文足相怡勝賞良不乏素心聯紀羣蘭譜手親劖
蔚彼齋房芝瑞薦堯厨筴何止丹山雛先鳴羨鴨鵲寄
聲勉自愛嘏辭待周甲

題五毒圖

流俗競時節端陽別成景艾葉紛倚戶榴火豔流影角
黍盤磊砢鏤蒲杯醕酊朱符辟五兵續命消百青迎潮
記東越競渡昉南郢咄哉五毒圖令人發深省織簷蛛

網密負嵎虎文炳跂跂高豎尾蜿蜒曲延頸跳浪金蝦
蟇井底傲蛙黽強食矜爪牙辛螫伏灑瀦大者恣吞噬
軀命在俄頃細勿輕么麼剝膚墳起癭午惟正陽位麗
日晶光烟離德制羣陰潛伏不敢騁進退死生分南訛
日至永陰進乃日長上聲應候漸思逞所以天中節因事
切致倣繡祿粉嬰戲綵勝朝妝靚佳名類鎮惡妙繪示
服猛饕餮鐫商彝魑魅鑄夏鼎有備乃無患先哲憂心
炳烟氏職不脩冥庶禮疇秉食蛙憐過柳見蜩喜踰嶺

聚蚊倡宛陵憎蠅賦思穎文人游戲餘作戒窮溟滓抽
秘吟守宮或以增聽熒竒聞當驛告為樂試聚四封豕
與猥獠往事不堪訂當陽頌

至聖不若幸却屏願持日中戒即目心耿耿

恭和

御製欲雨元韻

候雨經旬切瞻雲五夜忉朝霞欣有驗畏景恰先韜直
擬滂沱勢應舒灌溉勞如何慰

宸慮盈尺沛甘膏

雨過

急雨纔飛過歸雪一抹橫舞憐荷蓋弱涼愛葛衣輕石
為泉增勢風因樹作聲天工真好事又放晚虹明

應

制玉甕歌

廣寒殿敞浮高棟瓊寶當庭玉為甕春山之珎枝斯英
肯拔于闐通職貢天吳蜩像開波濤剖琢定出昆吾刀

興隆笙調只孫宴獻壽百斛傾葡萄瓊島秋風麋鹿走
流落元都傍蓬白豈知神物不終湮更入承光燭星斗
碧城圓闕臨液池位置妥帖得所宜笑指當年舊相識
古枯落落常虬枝

承光殿古枯相傳亦金元故物

軒皇在御瑪瑙出雲委霞流灑

天筆共信白珩非楚珍姬尊如彛憑縷述

敬觀豐澤園嘉穀恭和

御製元韻

萬景秋妍

帝苑中如雲喜見稼方同
先春黛耜迎三雨應候芳塍
扇五風照眼青蔥纔驛驛
關心黃茂果芄芃珠垂徑尺
連畦密玉綻雙歧入廩充農
事開基承

列祖康年同樂逮羣工赤烏紀瑞騰

奎藻銅雀傳聲慰

聖衷傍

輦早聞歌大有湍篝寧數頌元豐何須

黼座陳無逸共仰持盈意莫窮

恭和

御製夷齊松歌元韻

并序

上於塞外行圍之地隔嶺見雙松並峙蒼秀相亞就觀
之則同出一本益心異焉憐其遠生沙漠無表
而出之者撫玩不足名之曰夷齊松命學士董
邦達為之圖而繫以詩

塞山深處迴

仙仗照眼蒼松挿青嶂劈分雙榦本同根千尋之壑仍
交讓駐馬摩挲

逸興橫墨胎知允題嘉名吟來

雲藻凌鮑謝寫入溪藤壓偃宏首陽遺躅空千古不遇
尼山誰見許幸附青雲名益彰龍門作傳氣為吐茲松
絕域撐高枝歲寒閱厯知幾時霜皮慘淡友麋鹿石骨
磊砢騰虬螭殊材自分老巖穴豈意

宸游表奇節北海歸來同此情孤竹有靈應歎絕鄧林

杞梓羅明堂闡幽更不遺龍荒傳看稽首再三讀方識
神明用意長

應

制題唐寅夢筠圖即用元韻

新勾初拆散空庭夢破仍留几簾青夜靜影搖尊貯月
晝長陰轉硯涵星莊生漫擬無何境老可從知不畫形
更有清音發

天籟若教風雨卷中聽

恭和

御製題駿骨圖元韻

曹霸畢閔去已遠龔生妙技突伯時當年流落困伏櫪
惜無善聽鍾子期那知斷楮珍拱壁四百餘載貴若斯
緘滕流轉不終閔

溫室清晏坐致之古香拂拂浮几榻愛賞神駿遺毛皮
按圖豈讓照夜白立仗肯負黃金羈食盡石粟誰與致
志在萬里何能為杜陵長歌抱餘痛昌黎雜說摑深悲

卷中骨骼驚碑兀象外精爽猶權奇風生電掣想逸足
天章飛灑瓊琚詞益車久阨有如此築臺市駿興遐思
即今王良耿星象八坊十萬職有司渥注龍種大宛至
泉甘沙白春草滋龔生生恨不同世九原吐氣喜可知

戊辰春帖子詞三首

韶華遲閨歲律琯應條風福自

天家錫春迴海宇同

快雪迎年麗

紫宸青陽淑氣轉鴻鈞五剛歲喜千逢戌六葉莫抽日
在辛

玉殿祥烟徧鳳城銀幡綵勝物華明欲知萬戶騰歡處
試聽春雷徹曉聲

除夜示兒

呼兒相伴過黃昏同案肩隨列弟昆黃卷可師期共守

青燈有味試重論

放翁詩青燈有味似兒時予曩嘗拈以爲題

趨庭先訓心

傳在侑座良規目擊存老我徒慚成木癭憐渠莫遣悞

金根趨朝日趁隣雞早閱歲頻驚隙駟奔聽雨小樓尋
舊夢煨爐蕭寺憶荒村迎年瑞葉飄鴛瓦餞臘光風入
獸尊爆竹有聲喧九陌新桃循例換千門深宵坐候茶
香熟密室長留火力溫回想方知今日趣他年好念阿

翁言

松泉集卷十三

欽定四庫全書

集部
松泉集卷十四至

主事_臣汪彥博覆勘

武英殿纂修編修臣俞廷樞

欽定四庫全書

松泉集卷十四

戊辰

吏部尚書汪由敦撰

南廊齋宿

開歲頻教襖被攜天街平敞躡春泥

連日氣暖輟中冰已全解清齋

每喜隨前輩

每與劉憲何翰如前輩同寓

虛館重來覓舊題幾辦紅

花燒燭短一痕素月上墻低朝來穩睡差強意不用當

關曉雞

祈穀陪

祀恭紀

秘祝誰知

聖意虔新儀先日展

皇乾靈壇靜數齋宮漏碧瓦寒凝玉殿烟十雨五風皆
帝澤三農九穀重民天

回輿恰趁迎春仗綵勝辛盤勝往年

初六日辛卯立春

敬題

御筆歲寒清韻畫冊應

制

修篁作態疎還整掃空晴翠含秋冷居然百尺記簷簷
廣庭月落留孤影脩脩清露灑

仙豪片片琅玕戛玉霄坡老壽星何處是數竿重看故
新梢

竹

仙人冰雪膚綽約藐姑射凌波展微步冷艷照寒碧淡
墨結幽芬霏霏落瑤席沅蘭與湘竹差堪共標格

水仙

古木瘦偏勁寒鴉倦尚飛蒼然秀平楚一一帶斜暉黯
淡含真趣蕭疎識化機從知春意足不待闌芳菲

古木

題文徵明草庵高士圖應

制

密雨侵窗晝掩廬一編相對嫩涼初分明自寫幽居樂
玉磬山房展素書

琅琅幽韻稱雙清爐熟茶鐺蟹眼生窗外綠滋書帶艸
前身合是鄭康成

題周鯤畫冊五首應

制

溪村春曉

滑笏溪流展玉奩
春風吹雪映髭髯
分明花柳蘇堤路
好句如仙試更拈

松壑鳴泉

颼颼天半起濤聲
萬壑秋雲隔世情
解道清音是山水
七條絃在石邊鳴

招提烟暝

落葉聲中樹影稀
蒼然平楚展斜暉
寺樓鐘動昏鴉集
恰趁山僧荷笠歸

江帆秋影

一江秋影蘸晴空
黃葉青山夕照中
目送客舟天際去
暮潮纔落滿帆風

柳橋春漲

著意東風萬柳條
溪烟匝匝影難消
一枝柔艣迎新漲

綠遍長橋更短橋

恭題三友軒應

制

集長以廣益游藝若稽古含毫意遯然奚啻披冊府
滄溟無不納神冶惟所鼓良友豈直三樂善在能取

題曹夔音畫冊

空濶江天夕照明橫沙枉渚暮潮平望中烟火西興渡
三十年前旅客情

遠嶽平林野老家
戍樓旗颭晚風斜
千秋傳得才人句
秋水長天落斷霞

孝賢皇后輓章六首

鳳輿參

法駕盛典應東巡
豈意迴

天馭俄驚墜

月輪牙檣衝急浪
金甌黠長春
縞素攀迎處
悲填潞水濱

華閭凝麻遠

璇宮秉禮先坤儀章應地泰道北捫天形史千秋錄金
函兩字錫幾番傳

聖製淚點漬長箋

鶴禁承

歡密龍墀視膳偕九重隆

孝養廿載協雖皆積痛渾忘痺深情翻強排還應抱
遺恨無以慰

慈懷

思齊傳雅什風始譜周南雍肅

先型在恩勤

惠化覃紱麟符佛日笙鶴杳天男堪訝徵

瑤牒

堯年應十三

圖史稽求切

徽音取法高燧囊班鹿毳織篚玉璫蠶繅

軒駕時勤御

雲輅未惜勞祇今追往蹟松吹助悲號

渥澤流中禁哀吟遍六宮瓊筵悽白日丹旂卷靈風鵲
渚傷心劇龍沙雨泣同小臣空載筆誅德愧難工

恭和

御製

孝賢皇后奉移

觀德殿輓章六韻

丹旌纔看返

桂宮告遷瓊苑痛奚窮岱峯迴望愁雲碧潞水驚添淚
雨紅薦謚典崇徵展季述悲辭麗擬文通辛盤重悼蘭
芽折

椒寢長哀鳳幄空九御練衣懷

德範千秋彤史著仁風卽今蒲館縹盆在應媿西陵紀
有熊

題畫應

制

貌得溪山好烟雲望渺綿林巒秋影外墟落夕陽邊霞
色明荒堠江光淡遠天直疑人境異對此滌塵緣

題倪瓚山亭環翠圖應

制

密篠抽寒玉高亭枕碧山櫺櫺三徑寂窈窕數峰間綠
蔭襲襟袖蒼烟擁髻鬟幽人自來往雲路有躋攀

四月十五日扈從郊園作

踏燈時節駐西郊再到空憐歲月拋緣徑淺莎縈落絮
隔牆疎竹放新梢午窗小睡簾陰轉隣舍無人鳥語交
祇愧

聖懷難仰慰瑤箋和淚手先抄

題王紱鐵網珊瑚長幅應

制

不山不水得古意王生落拓真放士偶然縱筆寄幽偏
剡藤瑟瑟清風起修篁如玉倚雲根古木倔强無冬春

珊瑚秀句爭傳和能事半屬江湖人
瑤齋一展一傾倒點綴參差秋意老
宸藻雙垂日月光絕藝纔知螢爝小

題唐寅野墅幽筠圖應

制

招提門倚夕陽邊空谷誰將剝啄傳清磬數聲穿晚翠
新篁一抹掃秋烟濃陰尚帶瀟湘雨長日宜參玉版禪
應有山人來養鶴曉投孤寺一盤旋

恩賜御園新蔬恭紀

傾筐

珍賜列嘉蔬不比

堯厨玉饌餘翠甲新抽和露摘紫苞垂實帶烟鋤敲來
早識吾家味種處應尋汜氏書藜藿平生叨屬饜多慙
學圃願仍虛

題項聖謨天池石壁圖應

制

天池水平不清淺石壁苔深繡成篆屏風峭舉赤城霞
寺門吠老仙家犬磴道盤空繚曲欄奔雷直走青雲端
挈空枯柏靜落子蕭爽疑是元都壇道人振策步輕矯
日餌丹砂顏色好袖中莫問金簡書荷鉞相期拾瑤草
左招廣成右浮邱南溟共作逍遙遊回頭却笑任公子
海上何須五十牛

咏史四首

荒祠聞說古邯鄲一枕曾登將相壇信否神仙無一物

點金難覓大還丹

陽臺高處綠雲閒
平峽蕭森六六山
塵夢易醒朝雨散
空留詞賦在人間

茅仙兄弟五雲車
游戲元洲太上家
却笑稚川真失計
苦從勾漏覓丹砂

壯情慷慨取封侯
仰視飛鳶念少游
誰道據鞍誇矍鑠
天教曳足困壺頭

題畫應

制

烟外遙聽布穀聲前溪新漲與橋平
杏花村店江南路
三月都無十日晴

壽沈穎谷同學七十

流霞引滿泛天香
梧竹清疏雅趣長
吳下名賢數皮陸

蘇門高弟屬晁張

先生為義門
先生高弟

案頭竹素千秋業
庭下

芝英五色光何日
論文重握手看君
鶴髮興飛揚

扁舟

扁舟偶泊大江邊
徹曉西風浪拍天
穩閉蓬窗牢着纜
十分帆飽讓來船

題赤刀應

制

枝斯琢竒璞光動
鼉采遲不規璧肉
好匪挺圭稜廉方
折斷冰漸刃剗淬
砥礪特達貢

秘府環寶寧久潛
恢皇發

天藻古質韜錦奩
想當鎬京盛典瑞
職守嚴炯然列西

序色正火上炎義取善裁制豈耀鋒鏑鉅神治謝百鍊
溫栗性所兼藉以證經疏一破羣言譭

題畫八首應

制

趙孟頫溪山仙館

玉樓昆閬際金闕神山巔仙窟秘莫窺十洲記空傳吳
興本烟客醉拍洪崖肩覺來拂絹素下筆雲娟娟翠嶂
互虧蔽青溪相縈旋朝暎射林屋瓊室風璆然閣道峙

靈臺石扉開洞天此景不可即此致何飄翩竭來

南薰殿壺嶠羅眼前

幾餘洒

天藻遠駕逍遙篇載賡遊仙句矯首凌蒼烟

倪瓚松磴寒鳴

絕磴長身千萬松半天風雨護髯龍冷冷清籟雲中落
瑟瑟寒濤石上春近帶樵聲穿暗谷遠兼巖溜瀉晴峯
塵寰雙耳誰為滌物外人來倚瘦筇

倪瓚楓筠秋靜

秋林風物好幽意滿蕭晨白露變丹葉蒼烟染翠筠雲
閒多定態地僻絕飛塵靜者領斯趣寧知桃李春

曹雲西古木寒溪

寒林古葉脫平楚烟光暝溪路松風吹鳴泉永清聽昏
雅接翅歸夕照明坡磴愛茲忘機客倏然寫幽興溪聲
共林籟蕭瑟恍相應何當蠟阮屐穿雲履樵徑

盛懋釣槎秋泛

金史卷之八十四
卷十四
遠寺疎鐘報晚晴
青山黃葉映江明
一竿獨釣秋烟裏
淺水蘆花舴艋輕

王紱竹溪亭子

石礪高亭枕碧澗
林梢風動夏清寒
窗前過雨蒼烟合
簾外侵波白露團
山靜鳥聲聞曉曉
夜涼琴韻響琅玕
永嘉人物于斯遇
嵇阮情懷得古歡

文徵明竹窗閑賞

幽居多樂事
遠舍竹千竿
日射青霞暗
風吹綠雪寒
琤

瑯聞落子得得報平安對此忘塵慮輕涼拂素紈

文嘉孤峯遠澗

松欄家世畫中仙
秃筆拈來近巨然
繚繞數峰秋樹外
微茫孤澗夕陽邊
無多水石餘高曠
是處烟雲盡渺綿
眼底忽看靈境闢
置身恍在玉山巔

香山值雨

黑雲一片樹頭生
電掣雷轟雨倒傾
賴是西風吹易散
碧空如洗夕陽明

西風

秋聲一片入簾櫳
爽迫高冥萬里風
池鏡奩開波卷白
花屏繡減蓼垂紅
劇憐病葉無踪去
且喜飛蚊掃跡空
多少征衣寒未授
試聽砧杵月明中

曉赴靜宜園入直

晨直路頗賒
明發鐘未斷
輕軒赴微涼
山霧襲風幔
雲開漏疎星
燐燐燈火亂
涼新蛩語切
草密螢光漫
夾道木黍香
暗入濃柳岸
穗長垂更低
一一露珠貫
指期旬

日間新粳炊白粲條驚九夏徂時日供把玩即事媿蹉
跎長吟起三嘆

潞河道中

獵獵雙旌過潞河翠微深處指盤阿

行軒緩歛綠觀稼駢馬丁寧戒踐禾秋色爽添山色勝
黃雲屯較白雲多憑將一幅幽風畫聽取千村鼓腹歌

盤山諸勝

羣峯一一抽瑤簪朝飛暮卷蒸雲嵐名山去京纔兩昔

天子佳境停駢驂始從高閣縱一覽娟娟蛾綠排重簷
幽竒如此不留賞何異至寶光終潛般倖將

命工締構標竒置宇參精藍雲山太古本來意

太古雲嵐靜

中寄興心常恬

靜寄山莊

芙蓉朵朵列四面

四面芙蓉

空翠入座

飛層巖

層巖飛翠

玉清仙侶駕鸞鶴

清虛玉宇

鏡圓妙諦拈瞿曇

鏡圓常照

天成高臨磳戶仄

天成寺

盤谷俯瞰崖窵廉

盤谷寺千

僧洗鉢現法相

十相寺

萬松聳幹張蒼髯

萬松寺

望中雲罩

踞絕頂星斗羅掛浮圖尖

雲罩寺

一峯紫蓋氣象嚴岱宗

東蒙魯所瞻

紫蓋

雲濤頌洞雪浪翻
艤舳天際揚征帆

浮石

山中多奇松第一爪
鬣夭矯蟠蛇蚪衆音繁會振

天籟鏗鉤虛壑笙鐘酣

衆音松吹

蹟傳貞觀誰所識
征遼可

悔疲丁男兕犀不敵
靈雨漏組練坐待朝陽遲

貞觀遺跡

高

臺跂蔚傳劍舞一泓
秋水開長函聞雞慷慨吐英氣老

將誰授神府鈴荒崖
莫問千載事考古厭作書生談

劍舞

臺已上山
莊十六景

隆窪起伏但隨勢
天非有意工雕鐫偶逢好

事強名字山靈何與
寧心甘鴻濛以來轟道左把茅藉

草僧兩三聚徒建塔徑稍闢

清蹕一駐深潭潭昔何寂寞今綺麗於山無欠無增添
有如高賢抱道德軒冕不瀆棄不慙烟雲過眼日千變
齊州九點纔毫纖呼來頑石倘解此四更吐月光浮簾
望盤山諸寺未及登覽因題

天闕靈區鎮范陽中膚外骨秀偏藏危峯綴石矜孤峭
絕壁懸松愛老蒼大意思畧觀聊自得後遊重約倘能償
凡與神馬憑清夢何處鐘聲出講堂

雲去雲來塔影浮此間佳處最宜秋
飛泉作雨石氣潤
幽壑無風松韻流
峯為知名多著寺
巖工布景不遮樓
何當坐待清霜老
錦纈千林一望收

卷帷即在白雲邊
紅暎明霞翠掃烟
無處無松爭占巔
一重一掩各分泉
從知好境窮難盡
可愛天工出自然
為問疎慵誰似我
不題新句斷崖鐫

攀蘿捫葛恣幽尋
得趣深探趣更深
勾勒雲林成粉本
品題泉石付清吟
上方霧散下方雨
東礪雲流西礪陰

我是來從山水窟杖藜何日縱登臨

歸卒歌

冠裳保正黃旗滿洲護軍雍正九年北路出師淪準噶爾者十有餘年間道脫歸得

賜名見

歌以紀之

雪壓沙場鼓聲死主將知名半成鬼
倉皇士卒強偷生馬蹙弦摧被驅箠
縛來生口不知數不死飢羸亦瘡痍
却逃斧鑕得全生分隸寨桑囚逆里
囚繫空驚歲月長雁來鴻去閱星霜
東望隴雲千萬疊思鄉日日淚千行
七度奔逃逃未脫路長徑絕遭遮遏
追還鞭血濺沙紅

浸向冰川寒水發久在虜中習虜語到此無猜相爾汝
閒行偷得生馬騎何意重逢舊時侶茫茫白草南馳去
部落名王親肺腑羽書傳送赴

皇都子死妻亡迷處所父老來看訝老蒼尺籍稽名識
編伍回首俄驚十八秋論年直欲同蘇武自言俘虜恥
餘生狼籍疆場何足數丈夫志不問妻孥螻蟻區區緣
戀

主艱辛閱盡數

天鑒雙闕雲開果重覩

天子行秋巡近甸閱射宮門蒙

賜見奏對令操蒙古音歷歷

垂詢屢稱善記來舊事總依稀說到交鋒膽猶戰復還
故秩綴藍翎顧影自驚觀者羨當年微發若雲屯何幸
生還拜

主恩蜀道只今多戰壘蠻烟幾許未招魂

接

駕宿常新店

盧溝西去壓長虹古堠嚴城落照紅十里驚塵行犂确
一宵孤枕夢惺忪市鷺未散初燈夜隣簷徐飄隔巷風
屈指頻年幾經宿雪泥何處認飛鴻

衆鳥

衆鳥投寒林日夕各有歸木葉盡黃落繞樹相鳴悲
撼朔風厲肅肅清霜威迴思春夏來綠幄含芳菲喬柯
敷廣蔭高下適所宜嗟此冬宵長露宿止更飛月明夢

易驚中夜亦屢移鷓鴣雖云弱尚安一枝卑行念失巢
侶啾啾獨何依

蟠龍山

盤山在平野厥名曰蟠龍頗無蜿蜒態不作飛騰空峻
嶒甲節露禿屑髻髻童初疑蛻骨去神變藏珠宮又疑
當伏潜蛰時窮冬我欲浴山靈繞山栽萬松稍俟綠
陰長轉見翠蓋重因之得薈蔚舉體敷茸蒙有如作霖
雨噓氣雲相從莫迂十年計養此千載容樵牧戒人事

滋培賴天功縱甘長屈蟠未愧南陽公

順義縣

行營遇雨

秋晴鬱餘熱積日釀朝雨漠漠暗連村炊烟不成縷車
中尚沾濡何況童僕旅奔走覓羶廬急解濕衫袷平隴
秋初收支帳翳叢楚此間來幾度來輒即舊所雨雪若
相期往事歷可數僕夫羣致疑當有神物主吁嗟遠難
知推測笑愚瞽且喜報新占微風樹梢舞

即事

請急頻年計未成家鄉消息動關情
秋來一信差堪慰
入市新杭價漸平

蓮粉纔消葉尚稠
西風忽送十分秋
寒砧不待催霜信
八月中旬擁敝裘

恭和

御製山左有秋奏至宣示廷臣元韻

六沴頻年萃齊魯
不苦恒暘即恒雨
亟頌

明詔發倉儲尺籍勢難周下戶

翠華二月事東巡先期疊沛

思膏溥濟河惟克災最重

舜瞳目擊鳩形苦荏平古道滌源門幾換

天章咨守土當餐不御席不寧如聽呻吟思噢咻相臣
臺長銜使命驄馬瑣郎馳四境疇咨閭井拯時艱稽古
司徒舉荒政賈魯河邊轉楚艘任城樓下排吳榜歡聲
十里五里聞喜氣千人萬人競全憑

帝力起瘡痍果召

天和救羸病夏隴初浮餅餌香秋郊更稔秔秣盛從前
赤地樹無皮今來黔突珠盈甌一飽能舒積歲愁列城
同獲更生慶左鱸右粥度朝昏挈婦呼兒載安定封事
遙陳行省章

雲箋宣示南薰詠樂民之樂憂民憂尚厯偏災矢誠敬
隆施仰荷造物慈回斡端由

天子聖從茲時若協箕疇九有恬熙朗軒鏡

題壁藍應

制

壁藍疏屬也內府老藍蓄之盆中閱二十年幾如木
本御製詩記之且為之圖
命內廷諸臣分題其上

名流題品匪與菰循吏課種葱及薤菜羹之味良足佳
况引生機能勿壞孤芳何幸托

瑤圃礫硤青葱殊草芥駢枝懸癭傲莊樗左紐纏筋埒
仙檜翰墨偏承

天顧優護惜巧徵人事賴卉耶木耶詫且疑南士見稀
笑多怪

夜坐

戴星趨直見星還擲眼流光逝水遷暫了餘功書牘尾
喜來遙夜坐燈前妻言舊事真如昨兒背新書苦未全
心境洒然成一笑漫愁奔走逼衰年

即事

禁門傳鑰曉鐘初帽壓霜華赴直廬捧出
長箋新得句催成細楷燭前書

敬題

御筆墨梅應

制

清賞愛高格寫真輒傳神一枝斜更好占得羅浮春
霏霏綴玉雪淡淡罩香霧高脫逃禪侶妙契逋仙句小寒
候將屆領取頭番風不須羯鼓催毫端有

天公

侵曉步過西苑門赴香山入直

寥歷星光曉漏催依微燈火苑門開誰從露重風輕裏

流水聲中步綠苔

自香山夜至

賜園

自公歸路晚兀兀筍輿便月吐千峯外風餐萬木巔近
村燈互映緣徑騎相聯宛似孤篷底寒江荻港邊

應

制題凌霄花畫冊

聳壑秀孤松盤竿振高標瘦藤本柔弱攀緣上晴梢灼

灼吐鮮葩旭日映嬌嬈垂帶引長蔓百尺隨風飄依附
得嘉名直欲凌青霄何如善自立歲寒知後彫

所見

筍輿行歷到山村禾黍收餘葺短樊就乳駒隨櫪邊馬
負暄翁抱膝前孫飯香自撥新糞甕釀熟堪浮老瓦盆
應笑道中來往客雞鳴追逐過黃昏

恭和

御製賜大學士傅恒金畧金川元韻

親臣膺

渥眷雅志矢封狼帷幄忠忱篤旌麾壯氣揚麟符兼將
相豹畧軼平良勇以摧堅鼓謀因制勝長威弧殲異類
銅柱鎮蠻方共識先聲振

奎文萬丈光

至日陪

祀

園丘恭紀

漏聲五夜徹

齋宮星斗光中燎火紅
匏爵豆邊三古盛

今年更定壇廟祭器一

循古制陳薦自至
園丘為始

朱紘干羽兩階同初陽
驗取

天心復大事端知

帝謂通

鑾輅金支填輦道新圖
載筆記乾隆

五輅及鹵簿大駕
志重加增定乘用

亦自
圖成卷臣奉
國正大祀始且繪
命為之記

除夕

經冬未見南榮日秉燭方還戴星出午餘散直因歲除
春色思暉盈斗室乘興呼兒理殘帙淨拂塵埃標甲乙
檢來積課尚幾何那比老農場事畢

禁廷故事傳封筆

御筆至除夕擇良時緘之謂之封筆元旦發筆先作吉語自聖祖

以來相承如此

元辰錫福占康吉九衢達曉爆竹喧到處歡聲

應春律笑把屠蘇圍坐密鄉風約畧聊為述高曾簪紱
儼同堂兒女青紅紛繞膝長思兩弟及諸姪幾度書來
知一一開年惟祝此身強萬事由天那能必

已巳春帖子詞

長樂風和處恒春花放時蒼龍朝

鳳闕青鳥集瑤池

嘉平玉馮初圓夜杓指寅方驗斗魁共慶陽迴

天上早年前半月已春來

雨露恩霑萬卉萌雷聲一震蟄蟲驚東風露布遙傳處
挽取天河為洗兵

松泉集卷十四